

Theologia Scholastica Secundum Viam Et Doctrinam D. Thomæ Aquinatis, Doctoris Angelici

In Celebri Archiepiscopali Benedictina Universitate Salisburgensi, methodo
& norma ibidem usitata publicè tradita, & in IV. Tomos digesta ; Qvorvm
Primvs Tractat De Deo Vno Et Trino, Deq[ue] Creatura Angelica ...

Mezger, Paul

Augustæ Vindelicorum, 1695

§. VI. Respondetur ad fundamenta sententiæ oppositæ.

[urn:nbn:de:hbz:466:1-74152](#)

Neque ex hoc solo potest fortiri bonitatem, quod sit omissionis actus prohibiti; cum ut sic sit indifferens, ut procedat ex voluntate tantum vel male regulata.

Objicies secundò. Ex pura omissione sequetur, quod Angelus potuisse peccare in primo instanti peccato pura omissionis, sed hoc est contra dicta in Tr. de Angelis. Ergo, Sequela probatur: quia in primo instanti habuit libertatem contradictionis, quae pro altero extremo respicit puram omissionem: potuisse igitur in primo instanti pura saltet omissione omittere dilectionem DEI super omnia: sed sic omittendo peccasset; siquidem in primo jam instanti habuit praeceptum amandi DEUM super omnia.

Respond. neg, sequelam. Et quidem ex duplo capite: primò, quia primum practicum iudicium indifferenter non potuit esse defectuolum, utpote à DEO immissum: sed iudicium illud præcedens omissionem susterit defectuolum, quippe conjunctum cum practica negligentiā adrenti ad debitum finem & præceptum. Secundò, quia in primo instanti Angelus à DEO morebat motu vita supernaturali; & circa ultimum finem supernaturalem: sed iste est motus positivus & bonus bonitate supernaturali. Ergo, Neque refert, quod in primò instanti Angelus haberet libertatem contradictionis: habuit enim illam ut posset omittere actum dilectionis potentia antecedente, & pro sensu divisiblem efficacis motionis, tum præcepti dilectionis, concedo. Habuit potentia consequentia & pro sensu composito præcepti & efficacis motionis à DEO ut causa speciali causata, nego.

Objicies tertio. Si quis posset peccare per puram omissionem, tunc voluntas absque omni suo actu posset mutare suum finem ultimum: sed hoc videtur absurdum. Ergo.

Sequela est certa: nam qui peccando mortaliter fit ex iustitia injutus, mutat suum finem ultimum: sed per puram omissionem aliquis peccaret mortaliter; ergo per puram omissionem absque ullo voluntatis actu posset aliquis mutare suum finem ultimum. Minor probatur. Voluntas non mutat ultimum finem, nisi tendat & se suaque convertat in finem ultimum: sed sine suo actu non tendit, nec & sua convertit in finem ultimum: ergo.

Confirmatur primò. Voluntas non potest mutare finem, nisi ipsa fuerit intentionaliter attracta & mutata à fine: sed hoc sine aliquo ipsius actu non potest intelligi, ergo.

Confirmatur secundo. Voluntas, dum peccat & mutat finem ultimum, mutatur: sed non mutatur sine suo actu ergo.

Respond. vel negando minorem, vel dist. majorem: posse absque omni suo actu formaliter mutare finem ultimum, concedo. Absque omni suo actu formaliter, quam interpretatio, nego maiorem. Et pariter dist. min., nego consequent. Itaque cum voluntas post plenam aduentiam negligit elicere actum præceptivum, pure omitendo ipsum, in prudentia astimatione ita se habet, ac si vellit ipsum omittere, non obstante præcognitio legis transgressione, & jactantia divina amicitia, id est que hæc pura omissione

virtualiter, sive æquivalenter & interpretativa habetur pro actu, nempe voluntate, omittendi, & contemptu legis divinae.

Ad probationem min. disting. maj. Voluntas non mutat ultimum finem positivè nisi tantum ab ipso attracta, concedo: non mutat negative & interpretativa, sic nego.

Similiter ad primam confirmationem. Voluntas non mutat ultimum finem positivè nisi quantum ab ipso attracta, concedo: non mutat negative, nego. Et similiter distincto consequente, nego consequentiam.

Ad secundam confirm. disting. maj. mutatur moraliter & theologicè, concedo: in quantum nempe peccaminosam omissionem ex necessitate consequitur subtrahit & privatio gratia & charitatis, per quam homo prius erat habitualiter ordinatus in DEUM: mutatur physicè quasi per entitativam mutationem aut gratia expulsionem, nego.

§. VI.

Respondeatur ad fundamenta oppositæ sententie.

A primum ex autoritate D. Th. desumptum²⁵. Respondeo, S. Doct. loqui de occasionibus vel causis tantum remotis; & sic verum est, quod aliquis actus voluntatis accedit, saltem ille, quo voluntas applicat vel incipit, applicare intellectum practicum ad præponendam sibi obligacionem actus præceptivi, qui tamen non obstat pura omissioni & suspensioni actus.

Ad secundum respond. primò disting. maj.²⁶. Nullum exercitium vitale physicum & positivum potest sine omni actu, concedo. Nullum exercitium vitale, morale, & negativum, nego maj. sed omissionis libera est exercitium libertatis vitale negativum & mortale, concedo. Physicum & positivum, nego minorem & consequentiam. Ratio est: quod vitale exercitium negativum, est ipsa negatio exercitii vitalis positivi, dependens tamen à voluntate, quæ, ut inquit S. Doct. sicuti est domina sui agere, ita etiam si non agere.

Respond. secundò cum Gódo loc. sup. cit. ne²⁷ gando min. quod omne exercitium libertatis, sit vel includat exercitium vitale. Cuiusratio est: quia, licet voluntas, etiam ut liberaliter contradictionis, adæquatè sit entitas positiva; non tamen est adæquatè principium activum, sed est etiam principium non activum, seu principium negationis actus. Ex quo sequitur non omne exercitium voluntatis, ut libere libertate contradictionis, esse quid positivum; sed prout comparatur ad ipsam eum principium agendi, sive esse positivum; prout ad ipsam comparatur eum principium non agendi, sive esse exercitium negativum, seu omissionis. Unde, quod voluntas sit potentia volendi, non est adæquatus sed inadæquatus conceptus ipsius; cum sit æquè potentia non volendi.

Ad probationem nego paritatem inter libertatem habitualis & exercitium ipsius, seu libertatem actualis: nam libertas habitualis seu potentialis adæquatus sumpta pro uno saltem

tem extremo semper respicit actum positivum & vitalem, atqui exercitium libertatis cum tantum terminet unam inadæquatam rationem libertatis, potest esse formaliter non vitale, siquidem voluntas ut libera libertate contradictionis, sicut secundum unam inadæquatam rationem est principium volendi, & sic exprimit vitalitatem; ita secundum alteram inadæquatam rationem etiam est principium non volendi, & sic non exprimit vitalitatem. Inquis: ergo voluntas, dum peccat per puram omissionem, habet se modo mortuo?

Respond. Si nil aliud intelligas per esse motivum, quam carentiam actus vitalis ipsius potentiae peccantis, sic non esse absurdum, quia tunc idem significat, ac voluntatem peccare nihil agendo; ipse tamen homo non dicetur peccare se habendo modo mortuus: tum quia non caret vita radicali, a principiis proximis operandi vitaliter, tunc etiam quia non caret actu vita li intellectus, ratione cuius voluntas sit proxime expedita ad actum secundum.

28. Ad tertium. Respond. Voluntatem non quidem physicæ, sed moraliter transire de actu primo ad actu secundum, & omissionem fieri voluntariam in actu, in quantum voluntas, per præviam advertentiam constituta in actu primo & potentia proxima ad ponendum actu ex intrinsecâ sua efficiâ conjungitur cum omissione opposita illi actu hinc & nunc elicendo, si voluntas maluisset se positivè ad actu, quam negative determinare ad actu omissionem.

Dices: omissione opposita actu jam erat in actu primo voluntatis, siquidem nihil aliud est, quam carentia actu: ergo ratione hujus omissionis non recte dicitur voluntas transire ab actu primo ad actu secundum.

Confirmatur. Ut omissione actuus de novo fiat, necesse est illam fieri ex aliquo suo opposito tanquam termino a quo, sed nullum oppositum est assignabile; siquidem negatio & omissione actu sunt potius eadem quam opposita.

Resp. negando antecedens, & ad ejus probat, dist. antecedens, omissione actu nihil est aliud quam carentia ut egrediens à voluntate habente potentiam proximam actu oppositi, concedo: quam carentia actu absolute, sic nego; priori modo est mera negatio voluntatem seu subiectum connotans, modo posteriori est privatio actu voluntatem seu principium connotans, sub priori ratione est in voluntate, sub posteriori à voluntate.

Ad confirmationem nego min. & dico, quod omissione actu fiat ex sui negatione, seu non esse: nam in priori instanti & actu primo, antequam voluntas se negative determinaret ad actu omissionem, sic præscindebat tam ab actu, quam ejus omissione.

In fabis: Non datur negatio negationis, ergo si negatio actu fit ex sui negatione, fit ex affirmatione alicuius positivi.

Respond. negatio negationis absolute est affirmatio, concedo; negatio negationis sub certâ ratione, nimurum, ut egrediens à voluntate, nego maj. atqui omissione actu fit ex negatione sui absolute, nego; ex negatione sui ut egrediens

tis à voluntate, concedo min. & nego consequiam. Nam inter negationem negationem ut à voluntate egrediens & inter ipsum actu datur medium, nempe negatio existens in voluntate & ab ipsa non egrediens.

Ad quartum respondeo negando majorem, cùm enim pura omissione non procedat à voluntate ut est principium agendi & volendi, sed ut est principium non agendi & non volendi, idcirco ab ipsa non positive sed negative, non physicè sed moraliter procedit.

Ad probat. min. pariter dist. maj. Nihil potest à voluntate positivè & ut à volente procedere, nisi ad hoc voluntas sit mota & inclinata à fine, concedo: nihil potest negative & omnissimè ab ipsa, tanquam à non volente procedere, nego. Sicut enim tunc omissione pura est à voluntate tanquam à non agente, ita etiam à fine, tanquam à non movente: solum enim, quando voluntas movertur, petit à fine moveri.

Ad confirm. Respondeo primò. Illam nimis probare: quia probat omnem omissionem est directe voluntariam: Non fuga mali, ut est odium v. g. in virtute boni oppositi, est directe voluntaria, sed omissione esset fuga mali in virtute boni oppositi; ergo.

Respondeo secundò negando suppositum, quod pure omissione sit fuga mali, & ex motivo retrahente: sed est omissione boni non adequantis capacitatem appetitum, idque non ex attitione motivi, sed ex intrinsecâ potestate voluntatis fundata in indifferenti propositione intellectus.

Dices. Voluntas in nullo sua libertatis exercitio fieri potest extra suum objectum adiumentum, quod est bonum: sed non potest versari circa bonum nisi tendendo in illud. Respondeo dist. min. non potest versari circa bonum positivè nisi tendendo in illud, concedo. negative & omnissimè, nego.

Instabis. Voluntas per omissionem peccans, debet se habere humano modo, & non brutali: atqui non omittere finem non se habet modo humano. Ergo. Min. proinde probatur, quia eo distinguitur à modo brutalis operandi quod operatur propter finem.

Respondeo, debet se habere humano modo penes inadæquatum distinctivum à modo brutalis operandi, concedo: penes adiumentum, nego majorem, & pariter distinguo min. & nego consequiam. Duplici quippe titulo hominem liberè operans distinguitur à brutal modo operandi, primò titulo libertatis, secundo titulo agendi propter finem, unde cum liberè omittit, distinguitur à modo operandi brutalis ex modo & inadæquato titulo libertatis, non autem ex altero agendi propter finem.

Aduic dices: ut voluntas omittetur humano modo, deberet omittere rationabiliter: ergo minor probatur. Quia omittere rationabiliter est ita omittere, ut interroganti possit reddere causam & motivum sua omissionis, quod non potest nisi omittat propter finem.

Respond. neg. min. & ad ejus probationem dist. rationabiliter omittere est ita omittere in aliquo sensu, concedo: in omni nego. Quia h̄y ratiō

rationabiliter potest habere triplicem sensum, primò ut significet omittere conformiter ad rationem: Secundò, omittere ex motione finis. Tertiò omittere omissione supponente & conno-

tante pro regula judicium rationis indifferens: quamvis ergo primo & secundo modo pura omissione non sit rationabilis, est tamen in tertia & postrema acceptio.

ARTICULUS III.

An ut omissione, ejusque effectus sit interpretative voluntarius, requiratur obligatio ponendi actum oppositum?

SUMMARIUM.

1. Status questionis exponitur.
2. Ut omissione sit imputabilis requiritur obligatio ponendi actum oppositum.
3. Non item ut sit voluntaria.
4. Eliatur eviso Advers. de dominio in potentia.
5. Quamodo actus sit debitus inesse subiecto, ut ejus omissione sit privativa?
6. Nullius rei omissione est voluntaria, nisi eviso datur advertentia.
7. Ut effectus ex omissione secutus sit voluntarium omissiendi requiritur obligatio.
8. Ratio a priori.
9. 10. Ratio ab absurdis.
11. Objectiones 12. solvantur.

S. I.

Defenditur voluntaria omissione sine obligatione.

Duplices & distinctæ est quæstio, una de omissione, altera de effectu, qui ex omissione lequitur, et queritur de utroque, an aliqua legis obligatio ad hoc sit necessaria, ut vel omissione, vel effectus inde securtos accipiant rationem voluntarii, v. g. an illi, qui nullam habet obligationem audiendi Sacrum, omissione Sacrum omittere, si illo tempore deambulet, vienes ex hac sua deambulatione securtatione omissionem Sacri: Nam si illa omissione non cognoscatur, nullum erit voluntarium, cum hoc necessariò requiri cognitionem. Ad neutrum obligatione requirit Amicus, Rasler & Th. Sanchez.

Ad utrumque Medina & Gonet. Ad effectum omissionis voluntarium requirit obligationem, non ad voluntarium omissionem Jo. à S. Th. Gibbon, Contentonus, Godoy, Rhedigus. Ubi totius cardo questionis veritur in assignandâ illatione, vii cuius omissione, & effectus inde securtos habeant connexionem & dependentiam à voluntate, ut voluntarii dici possint. De quo sit

CONCLUSIO prima. Ut omissione sit imputabilis in culpam, requiritur, ut voluntas debuerit agere: ut vero sit voluntaria, sufficit, quod non erit, cum ramen proximè potuerit agere.

Ratio primæ partis est: quia ubi nulla est prævaricatio legis, nulla est imputatio in culpam: sed ubi nulla est obligatio legis, nulla potest esse prævaricatio ipsius: ergo tunc etiam nulla potest esse imputatio in culpam.

Ratio secundæ partis est ex S. D. hinc, Illud est voluntarium cuius dominus sumus, & quod est in nostrâ potestate: atque etiam sine obli-

gatione Sacrum omittere, v. g. tempore quo studemus, est in nostrâ potestate, nosque sumus domini istius omissionis: ergo hæc omissione est voluntaria.

Respondent: cujus actu Domini sumus, illud nobis esse voluntarium in actu, & illud cujus Domini sumus in potentia, etiam esse nobis voluntarium in potentia: & sic omissionem Sacri esse voluntarium studenti illo tempore in potentia, quia nimis continetur in potestate voluntatis tanquam in causâ; non autem esse actu voluntarium, quia voluntas sine obligatione nullam exercet causalitatem respectu ipsius, ac proinde non facit illam à se actu dependere.

Sed contra est primò. Ut aliqua negatio fiat indirectè voluntaria, sufficit, quod necessariò connectatur cum actu directè voluntario, ex quo securtatione cognoscitur: sed etiam si absit obligatio, omissione Sacri necessariò connectatur cum actu studendi, & cognoscitur ex illo securtatione. Ergo. Major probatur: Hoc ipso quod generans inducit formam in materiam, quæ est incompositibilis cum omni aliâ formâ, causat in materiâ indirectè absentiam & privationem aliarum formarum. Item hoc ipso malitia aliquius actus sit indirectè volita, quia infallibiliter connectitur cum objecto delectabili directè volito. Ergo dum voluntas liberè & cum cognitione causat actum impossibilem cum auditione Sacri, etiam indirectè & actu causat omissionem Sacri.

Contra est Secundò. Omissione non potest fieri actu indirectè voluntaria ratione alicujus quod est extrinsecum voluntati: sed obligatio est extrinseca voluntati, & tenet se ex parte legis: ergo obligatio non potest esse ratio, cur omissione fiat actu voluntaria,

Contra est Tertiò. Obligatio supponit voluntarium liberum: ergo non causat:

Neque dicas: Supponit voluntarium in potentia, concedo: actu, nego. Nam moralitas quæ nascitur ex obligatione præsupponit voluntarium etiam in actu: potest enim actus concipi voluntarius & liber priusquam concipiatur bonus vel malus, nisi concipiatur etiam a voluntariis & liber: ergo etiam prius concipiatur voluntarium indirectum actu, quam concipiatur obligatio, siquidem ista non est constitutive voluntarii, sed moralitatis.

Contra est quartò, præsertim in suppositione puræ omissionis: ideo omissione est voluntaria, quia pendet à voluntate, quæ propter libertatem

R. P. Mezg. Theol. Schol. Tom. II.